

Celebracion dia Mundial di Teatro 2013-2014

ORANJESTAD - Awe Departamento di Cultura Aruba a invita boso pa duna informacion relaciona cu e Dia Mundial di Teatro cu ta riba diaranson 27 di maart 2013. DCA tin un programa pa e Celebracion Nacional aki.

Participacion:

E aña aki ta bay tin e 'prome tayer di actuacion y competencia di improvisacion 2013' cu lo ta na ocasion di e di 9 edicion di celebracion nacional di Dia Mundial di Teatro y Reconocemento 2013. Esaki ta riba diaranson 27 di maart for di 7'or te cu 10' or y mei di anochi, na



Plaza Hubert (Lio) Booi, aki mes na Departamento di Cultura. E tayer ta forma parti di e inicio pa e programa pa e celebracion di e di dos lustro di 'Dia Mundial di Teatro' y e programa oficial di 2013-2014

Departamento di Cultura Aruba orguyosamente ta presenta e di 9 edicion di Celebracion Nacional di Dia Mundial di Teatro 2013-2014. Un actividad cu a ser inspira riba iniciativa di Instituto Internacional di Teatro, (International Theatre Institute (ITI) cu ta un organismo dependiente di e 'Organisacion di Nacionnan Uni pa educacion, ciencia y cultura - UNESCO, cu a ser introduci na aña 1961 pa celebra Dia Mundial di Teatro riba 27 di maart di tur aña. Riba e Dia Mundial di Teatro ta ser organisa diferente evento nacional y internacional pa duna atencion y reflesha riba e trabou haci na bienestar di teatro.

Un di e actividad di mas importante di e celebracion, ta e difusion di e mensahe internacional redacta tradicionalmente pa una personalidad di dimension mundial. Kende ta ser invita pa e Instituto Internacional di teatro pa comparti su reflexionnan tocante e tema teatral y promove paz entre e pueblonan. P'esey Dia Mundial di Teatro ta un momento pa nos reflesha riba e trabounan haci riba tereno di teatro na Aruba.

Programa oficial na caminda pa e celebracion di e di dos lustro di Celebracion di Dia Mundial di Teatro 2013-2014:

1. Un serie di tayer di actuacion pa selecta e grupo nacional di actornan local. esaki lo tuma lugar riba



ultimo diaranson di cada luna, cuminsando riba diaranson 27 di maart hustamente riba e Dia Mundial di Teatro 2013. Tur biaha lo forma parti otro grupo, otro docente y lo sigui den e lunanan di april, mei, juni, juli di 2013 pa selecta e 'Elenco Nacional di Actornan Local';

2. Competencia di escritura di obranan di teatro na Papiamentu.

Esaki relaciona cu Celebracion di Aña Nacional di Papiamentu.

cu lo ser organisa conhuntamente cu e Comision Nacional 2013 Aña di Papiamentu.

Den otro comunicado lo publica e criteria y reglamento di participacion;

3. Celebracion di entrega di reconocemento nacional 2012 - 2013, cu lo ser anuncia despues e dia oficial di entrega di esaki.

4. Prome competencia di composicion na Papiamentu riba Dia di Santa Cecilia cu lo ta dia 22 di november 2013.

5. Celebracion di 35 aña di servicio cultural di e Departamento di Cultura Aruba cu e obra: 'Amor di Kibaima' di Sr. Hubert Lio Booi;

6. Celebracion Nacional Dia Mundial di Teatro 2014, lo ta cu presentacion di tres obra ganado di e competencia di escritura di obranan di teatro na Papiamentu;

7. Hunto cu e calendario di actividad di Aña di Papiamentu, Seccion Implementacion di Departamento di Cultura Aruba lo sostene e conta cuenta y contamento di chasco;

Invitacion pa inicio di tayernan:

Departamento di Cultura Aruba riba 27 di maart 2013 ta invita actor y hobennan local pa participa na e tayer cu ta completamente gratis.

Bini y demostra boso talento creativo y propio manera di wak, pensa, actua y expresa.

Pa registracion pa e tayer y mas informacion por tuma contacto cu Sr. Marlene Lampe di Seccion di Implementacion y Jhon Freddy Montoya, lider di proyecto di Seccion di Implementacion y coordinado general di Dia Mundial di Teatro y Reconocemento Nacional di Teatro 2013 di Departamento di Cultura via telefon 582-2185 durante ora di oficina of via celular 565-6903, tambe por manda un e-mail via teatroaruba@hotmail.com.

E anochi aki ta priminti di bira uno hopi entretenido y cu lo duna inicio na e programacion na caminda pa e di dos lustro di Celebracion Nacional di Dia Mundial di Teatro y Reconocemento 2014..... No perde!!!!!! ☐